





武門  
984  
1

宋

施氏著

# 續易簡方論

三卷

松屏舍藏板

續易簡方論序

予非明醫者、予弟正道以虞仲祉  
所刊易簡續論示予、俾題其首、披  
卷一閱、其所攻舊方之短、可為王  
氏忠臣、蓋無不中其肯綮、况德唐  
晚年亦自更定者不一、則此固不





嫌於辨論也、但所附諸方、有非世  
人所熟用者、得是書而用之、非識  
脈明證不可、然有易簡方者、不可  
無此以相參錯、則此書當易售而  
盛行、兩巖老人書、五並以實中

續易簡方論目錄

第一卷

論三生飲

論稀涎散

小續命湯

論姜附湯

論小姜附湯

論附子湯

論生料五積散

論參人參湯

桂心牡蠣湯

陽膽湯

竹葉防風湯

柴胡湯

黑神散



大調經散

石子湯

人參鼈甲飲

論養胃湯

論參蘇飲

礬石圓

竹茹湯

論小柴胡湯

生姜瀉心湯

枳實梔子湯

論真武湯

論四逆湯

四逆散

論溫膽湯

溫中湯

論建中湯

良姜散

和氣飲

桂香圓

大承氣湯

救生丹

枳殼散

保安圓

集效圓

牡丹圓

斷弓絃散

論四君子湯

二十珍散

論平胃散

第三卷



余知府平胃散

天下受拜平胃散

調脾散

論二陳湯

論四七湯

分清散

厚朴煎圓

瑩泉散

秘精圓

清心圓

金鎖丹

鎖精丹

猪苓圓

論四獸飲

吳茱萸散

白虎加桂湯

麻黃姜活散

小柴胡湯

論大柴胡湯

木附湯

妙香散

人參竹葉湯

第二卷

論增損編脾飲

藿香正氣散

香薷散

論芎辛湯

論杏玉真圓

天南星圓

白附子散

備急圓

乳附全蠍散

連鬚葱白湯

葛根葱白湯

論滲濕湯



七味除濕湯

論降氣湯

俞山人降氣湯

木瓜茱萸湯

又方

論杏子湯

五噉圓

小青龍湯

白散子

人參飲子

大阿膠圓

白蘊豆散

理中湯

黃耆散

蓮心散

論理中湯

補血綱目錄

三

四順理中圓

順味圓

桂姜湯

十棗散

五積交加散

辟邪丹

大效人參散

大正氣散

五苓散

清脾湯

半夏湯

立效散

大柴胡鼈甲散

老瘡飲

草菓飲

常山飲

二姜散

朴附湯

第四卷

論斷下湯

補血綱目錄

黃蘗圓



駐車圓

黃連圓

桃花圓

朴附圓

三和湯

姜茶散

麴蘖丸

斂紅圓

地榆散

黃連阿膠圓

宿露湯

附子當歸圓

養臟湯

木香連圓

椽斗子散

苦散子

萬應圓

油調散

倉廩湯

石連散

巴石圓

訶黎勒圓

朴連湯

聖棗子

六和湯

酒連圓

諸野楮葉散

朱粉丹

葭菕圓

栢連散

薤白餅

姜茶圓

諸虛變通圓

論胃風湯

論地仙散

柴胡散

第五卷 稻根湯

論芎歸湯

論清魂散



論枳殼湯

益黃散

第五卷

論增損四物湯

四物湯

論逍遙散

加減十寶湯

通經圓

秦桂圓

論惺惺飲

消積圓

白餅子

化毒湯

犀角地黃湯

活血散

人齒散

紫草湯

消毒飲

龍脫餅子

決明散

紫貝散

論白朮散

大青膏

觀音救命散

戊己圓

人參湯

參蘇飲子

史君子圓

六神散

鎮心圓

辰砂圓

抱龍圓

利驚圓

人參散



南附湯

丁附湯

二神丹

芎活湯

蠟附散

第六卷

論養正丹

論來復丹

論震靈丹

論蘇合香圓

論感應圓

論消暑圓

黃龍圓

龍鬚散

論紅圓子

八味竹茹湯

人參散

論青州白圓子

玉液丹

金珠化痰圓

論如聖餅子

木香橘皮圓

白龍圓

論大已寒圓

附子理中圓



Blank columns for text on the right page.

續易簡方論卷第一



王德膚作易簡方大槩多選於三因而附以他方增損之今世士夫孰不愛重皆以治病捷要無逾此書但其間有失點勘未免大醇而小疵予與德膚登歲有半面之好非敢求多之也特以人命所關不容緘嘿於是表而出之予豈好辨哉

永嘉施發政卿撰

人下元我類

三生飲王氏云治卒中昏不知人痰氣上壅咽喉作聲無問外感風寒內傷喜怒或六脈沈伏或指下



類無與夫二  
字披上有即

散類作飲候  
一作作稍察  
方作佐稍察

沈伏故亦有  
浮而非熱沈  
而非實者是  
乃王氏不拘  
飲之祖意也  
亦未為全不  
是然則果其  
脈浮數而証  
有挾熱豈不  
誤人哉王氏  
又云不問外  
感內傷失之  
惟紛紛於藥  
裏更不問及  
人之臟腑有  
陰陽寒熱有  
厚薄安得公  
論之為之裁  
斷云

忽然而下  
綱目本草  
方有音例二  
字

白礬本方  
作音礬

細末下本  
方有研勻二  
字  
投日訛段  
醫學綱目但  
微令延出  
一二升便得  
醒後緩  
調治不可便  
大投藥餌亦  
恐過傷人

類聚引衛生  
十全方同  
氏高方作氣

驗下局有若  
字

浮盛並宜服之其誤後學多矣殊不知中風中寒  
中濕中氣與夫六脈沈伏者固可隨證增損用之  
若指下浮盛其脈必浮而洪數此挾熱中風之候  
烏可投以烏附大熱之劑如或用此是以火益火  
耳須先以稀涎散微微去其涎候其稍蕪然後以  
加減小續命湯發散之斯為得矣今之為醫者所  
習多易簡允見中者不辨其冷熱遽投三生飲三  
生未效易以三建湯三建復然其技止於重丹而  
已欲僥倖萬一之中而有時足以害人皆王氏啓  
之也更有中暑一証亦使人噎悶昏不知人其脈  
則虛弱而微遲或者不審以三生飲治之禍不旋

踵可不謹諸

稀涎散治中風忽然若醉形體昏悶四肢不收風涎  
朝上膈閉不通宜用救急

猪牙皂角

肆條肥實不  
蛀者去黑皮

白礬

光明者  
一兩

右為細末輕者半錢重者三字以溫水調灌下  
不至大嘔吐但微微出冷涎一二升便得惺惺  
次緩而調治不可便大投亦恐過傷人

小續命湯治卒暴中風不省人事漸覺半身不隨口  
眼喎斜手足戰掉語言蹇澁肢體麻痺神情昏亂  
頭目眩重痰涎併多筋脈拘攣不能屈伸骨節煩  
疼不得轉側及治諸風服之皆驗治脚氣緩弱久



服得差久病風人每遇天色陰晦節候變更宜預服之以防瘧症

麻黃去節湯

人參

黃芩

白芍藥

芎藭

甘草炙

杏仁去皮尖炒黃

防已

桂去麋皮各一兩

防風去蘆頭一兩半

附子炮去皮臍半兩

右剉散每服四錢水一盞半生姜五片棗子一枚同煎至八分去滓溫服不拘時候有熱者桂枝麻黃各用半兩黃芩加作二兩去附子不用

姜附湯千金方治卒中風痰壅盛生姜捌兩附子減半並用生者自陳氏有中寒暈倒方用炮熟姜附

去節局作去根節人參下云去黃

傷寒論平姜附子湯名姜附湯盛類作寒

生者類作生

中寒類引湯簡作中風

等分王氏因之改乾姜為生者附子用熟者然良知其未穩當從古方可也乃持兩端以嘗試未為切當其云治中寒口噤與陰証傷寒豈知陰証傷寒下利不渴手足逆冷小便反利汗出過多脈微欲絕此將脫之証兼服炮姜炮附亦未為過今中寒暈倒口吐涎沫而遽服熟附烏知寒邪不因補而愈盛耶當先以生姜附與之或未效徐投以半生半熟者人或虛甚然後以熟姜附未晚也是雖陳氏不審之故而王氏不能發明之安得不任其咎

姜附湯治卒中風痰壅盛



二兩一本在  
洗

生姜洗淨切片 附子生去皮臍  
右分為二服。每服水二大盞。煎至七分。去滓溫服。不拘時候。二滓併煎。忌猪肉冷水。

附子湯治風寒濕合痺。骨節疼痛固然。其中芍藥一味。獨不利於失血虛寒之人。服之反足增劇。古人云。減芍藥以避中寒。誠不誣也。此方所以用芍藥者。以其能去風止痛耳。然既有官桂。減之亦無害。不然以獨活代之。獨活可以療風寒所擊。手足攣痛如此。則無問失血之人。凡有是病者。皆可服矣。  
生料五積散。王氏云。可以治婦人經候不調。產婦催生。及胎死腹中。產後發熱。或往來寒熱。不問感冒

寒下。當有  
及字。

風寒惡露為患。均可治療。何不量虛實之甚也。夫治產前產後之病。自是不同。產前氣血充實。如疎利發散之劑。因其所感而用之。但不致於妨胎足矣。產後氣血虛損。當以滋養為本。或感冒。或惡露。而發散疎利之劑。未免於用。亦須且戰且守。而去其太甚者。以防其損不足也。今欲以麻黃之藥。施於產後之病。豈所宜哉。產後亡血。每至汗多。乃復以麻黃而發其汗。則必有鬱冒之患。况產後發熱。與往來寒熱。非一種。當隨其証而治之可也。○血虛而發熱者。人參湯逍遙散主之。○頭疼而發熱者。桂心牡蠣湯主之。○傷風而發熱者。陽旦湯竹



葉防風湯主之。○往來寒熱惡露不止者柴胡湯主之。○敗血不散乍寒乍熱者黑神散大調經散主之。○虛羸喘乏寒熱如瘧頭痛自汗咳嗽痰逆此名蓐勞石子湯人參鱉甲飲主之。○尋常感冒惡寒發熱可於生料五積散中去麻黃名和氣飲治之。

人參湯治產後諸虛不足發熱盜汗。

川當歸去頭人參去蘆

右等分為細末先以猪腰一隻去脂膜切作小片用水三升糯米半合葱白兩條煮米熟取清汁一盞藥末二錢煎至八分溫服不計時。

腰下水類鈴方婦人良方有字字片下良方有字字字未上有入字

桂心牡蠣湯治產後頭疼身體發熱及腹內急疼

桂心 三兩 白芍藥 乾地黄

牡蠣 各五兩 黃芩 二兩

右剉散每服五錢水一盞半煎至一盞去滓頭

疼食後服腹痛食前服。

陽膽湯治產後傷風十數日不解頭微痛惡寒時時

有熱心下堅乾嘔汗出。

桂枝 去麋皮 白芍藥 各三兩 甘草 二兩

黃芩 一兩

右剉散每服五錢水一盞半生姜五片棗子二枚煎至一盞去滓溫服須臾啜稀粥一盞以助

一兩良方作二兩活人同五錢良方作三錢無半字五片作三片二枚作一枚活人同至一盞作至七分

良方引千金翼名非湯產後下有虛熱二字急上同有物字活人各五兩下活人有煖字

甘草下良方有字



藥力溫覆令一時許。遍身皰皰微似有汗者佳。此即桂枝湯加黃芩。江淮間唯冬及春可行。桂枝。春末至夏至已前可服此。

竹葉防風湯。治產後傷風發熱面赤喘而頭疼者。

竹葉 半握 葛根 一兩半 防風 去蘆

桔梗 去蘆 桂枝 去皮 人參 去蘆

甘草 炙各半兩

右剉散。每服四錢。水一盞半。生姜三片。棗子一枚。煎至八分。去滓溫服。取汗。如頭項強。加熟附一錢。嘔者加熟半夏一錢同煎。

柴胡湯。治產後往來寒熱惡露不止。

四良方作三無半字  
八良方作七。上一錢間。活人有大字。

柴胡 去蘆 生姜 洗淨各捌兩 三川當歸

赤芍藥 黃芪 蜜炙各三兩 桃仁 去皮尖

吳茱萸 肆兩 牡丹皮 三兩

右剉散。每服四錢。水一盞半。煎至八分。去滓。食前溫服。二滓併煎。日進數服。為佳。

黑神散。治敗血不散。乍寒乍熱。

桂心 厚者 當歸 頭一節硬實者 赤芍藥

甘草 炙 生乾地黄 乾姜 炮各一兩

熟附 半兩 黑豆 炒去皮二兩

右細末。每服二錢。空心食前溫酒調下。

大調經散。治產後血虛惡露未消。氣為敗濁凝滯。榮

三因云一方無附子有蕭黃



為下三因有也

右下方有為字

絞刺三因作刺痛

衛不調陰陽相乘憎寒發熱或自汗或腫滿皆氣血未平之所為

大豆炒去皮一兩半 茯神 一兩 真琥珀 一錢

右細末濃煎烏頭紫葳湯調下

石子湯治產理不順疲極筋力憂勞心慮致虛羸喘乏寒熱如瘧頭痛自汗肢體倦怠咳嗽痰逆腹中絞刺名曰蓐勞

猪腎一對去脂膜四破無則以羊腎代之 香豉

葱白 粳米 當歸

芍藥 各二兩

右剉散分為兩劑每一劑用水三升煮取一小

由下方有在字

一作人參桂心當歸桃仁熟地黃赤芍生白茯苓餘

枕去滓分三服任意服

人參鼈甲飲治婦人產後蓐勞皆由產內未滿百日體中虛損血氣尚弱失於將理或勞動所傷致成此疾其狀虛乏乍起乍卧飲食不消時有欬嗽頭目昏痛發歇不常夜有盜汗寒熱如瘧背膊拘急沈困在牀服此大效

人參 桂心 當歸

桃仁去皮尖 熟地黃 洗 桑寄生

白茯苓 白芍藥 麥門冬 去心

甘草炙各五分 鼈甲洗淨 黃耆各一兩

牛膝三分 續斷一分



三錢良方作  
二錢  
作荆芥五穗

湯治外感  
風寒內傷生  
冷

右為末每服先用猪腰子一對去筋膜先以水  
二大盞生姜半分棗子三枚煎至一盞去腰子  
姜棗然後下藥末三錢入葱白三寸烏梅一箇  
荆芥穗五七莖同煎至七分去滓空心晚食前  
温服。

**養胃湯**

人皆知可以治感冒傷食而不知其最能治  
痰飲嘔逆及霍亂吐瀉也大抵此藥性温若憎寒  
壯熱小便多赤澁茯苓當用赤者綠白者補而赤  
者利也不可不知。

**參蘓飲**

王氏云可以治痰飲發熱殊不知有可以用  
此有不可以用此者難以一槩言也如飲酒過多

渴而飲水積成痰飲致陰陽否隔身體發熱此名  
熱痰用此治之則宜或自腰已上發熱熱極則汗  
汗已則涼移時如故復加昏冒腹中膨亨其氣上  
攻時時咳嗽引脇下牽痛睡中驚悸其脈弦緊帶  
痰者此名寒飲宜礬石圓温利之非參蘓飲所能  
治也又云大治中脘痞滿嘔逆惡心閑胃進食無  
以踰此然嘔逆惡心有寒熱二証胃熱者可用此  
如未效則與竹茹湯胃寒者當以二陳湯或理中  
湯加半夏丁香主之豈可例用前胡乾葛輩哉欲  
知胃熱手足心皆熱者是  
礬石圓治外寒客搏內冷相合氣收液聚化而成飲



因服熱藥自腰已上復增客熱散而為汗亡陽內  
虛睡中驚悸服此溫利。

礬石 煨一兩 二兩 旋復花 桂 去麋皮

枳實 浸炒 人參 各五分 乾姜

芍藥 白朮 各一兩半 茯苓

烏頭 炮去 細辛 去苗 大黃 濕紙裹煨

厚朴 去皮 吳茱萸 炒 芫花 炒

橘皮 各一兩 甘遂 炒一分

右為末煉蜜丸如梧桐子大飲下五丸未知漸

加

竹茹湯治胃熱嘔吐

本草方半夏  
甘草各三錢

乾葛 三兩

半夏 三分姜汁半盞漿水一升同煮至一半

甘草 三分

右剉散每服五錢水二盞生姜三片竹茹一彈

子大棗子一枚同煎至一盞去滓溫服

小柴胡湯一名黃龍湯本少陽經傷寒一解表藥耳

所主者胃脇痛耳聾口苦舌乾往來寒熱而嘔其

脈浮而弦細今王氏首云治傷寒瘟疫身熱惡風

頭項強急胃滿脇痛煩渴嘔噦小便不利大便秘

鞭此太陽經傷風不解轉入少陽未可吐下其脈

浮而弦數者可以此治之然亦非正所主也此藥

傷寒論雖主數十證大要五證用之的當一者身

易簡無小字  
元我引與此  
同治人法半  
湯者名黃龍  
瘦一作病易  
簡同局方引  
作溫熱  
頭一作頭  
輟易簡作硬  
元我同局方  
作並



勿簡云去人  
參加枳實半  
兩大黃一兩  
名大柴胡湯  
服之以利為  
度無除不立  
遠服補其仍  
忌酒羊肉腥  
子并准化之  
或有不傷  
是名食復難  
以治療

熱心中逆。或嘔吐者可服。若因渴飲水而嘔者。不可服。身體不溫熱者。不可服。二者寒熱往來者可服。三者發潮熱者可服。四者心煩脇下滿。或渴或不渴。皆可服。五者傷寒差後更發熱者可服。此五証。但有一証。便可服。服之必差。若有三兩証已上。更的當也。兼此藥。非惟可以治傷風寒。常時熱效。土壅痰實。與夫瘧疾寒少而熱多。及中暑毒而成。痢者。服之尤效。又傷寒有勞復。食復二証。此可以治勞復。王氏謂食復難以治療。未為通論。生姜瀉心湯。枳實梔子湯。加大黃。皆治食復之要劑。可選而用之。

生薑瀉心湯。治大病新差。脾胃尚弱。穀氣未復。強食過多。停積不化。心下痞鞭。乾噫食臭。脇下有水。腹中雷鳴。下利發熱。名曰食復。大宜服之。

黃芩

甘草

人參

各一兩

半夏

洗一分

乾姜

黃連

各半兩

右剉散。每服五錢。水一盞半。生姜七片。棗子二枚。煎至一盞。去滓溫服。

枳實梔子湯。治大病差後勞復。

枳實

一箇一箇

肥梔子

三枚

豉

一兩

右剉散。以清漿水二盞半。空煮退八分。內枳實梔子。煎取九分。下豉再煎五六沸。去滓溫服。覆

乾姜下活人  
有炮字

一箇下活人  
有去穢二字  
一兩半下活  
綿裹二字



令汗出。若有宿食，內大黃如博棊子。伍陸枚同煎。

**真武湯**。按活人書云：太陽病發汗，汗出不解，其人仍發熱，心下悸，頭眩暈，身瞤動，振振欲擗地者，真武湯主之。少陰病，二三日不已，至四五日，腹痛，小便不利，四肢沈重，疼痛，自下利者，此為水氣。其人或咳，或小便利，或不利，或嘔者，真武湯主之。由是而觀，則知此藥不獨能治太陽病，而少陰病亦治之也。王氏因其水氣之說，乃云：此由渴後飲水，停留中脘所致。卽此以明心悸頭暈，身熱瞤動等証，意以為皆少陰病，而不知此証乃太陽傷風，合行桂

少陰病至真  
武湯主之五  
十一字後活  
人補入

片文作兩

枝，誤作傷寒。醫治用麻黃以發汗，汗出過多，亡陽發熱而致此，不應泛引痰飲之証，為傷寒之証，謬矣。然其加減，雖本於活人書，而附子一節，較之孫氏秘寶，則互相矛盾。使後學無所適從。活人書云：嘔者，去附子，加生姜三片。夫生姜，嘔家聖藥，治嘔用此固宜。如寒嘔，則附子不當去。秘寶云：不下利，去附子，加生姜，合前作半斤，使果不下利，附子去亦無害。既不言治嘔，則增生姜何義。王氏於此，獨加生姜，而不去附子，生姜固治嘔矣，而附子尚存，以之治寒嘔，則可。若熱而嘔者，豈不敗廼事哉。三家皆說未盡，當作不下利而嘔者，去附子，加生姜。



如此方可以貫三家之說也。

**四逆湯**。此救裏之劑也。治少陰傷寒。膈上停飲。乾嘔。及吐利。汗出。小便復利。發熱惡寒。四肢拘急。手足厥冷。脈微欲絕。或下利清穀。表熱裏寒。脈浮而遲者。太陰病。藏寒自利不渴者。厥陰病。大汗出。熱不去。內拘急。四肢疼。又下利。厥逆而惡寒者。與夫傷寒病。本在表。醫反下之。續下利不止。雖覺頭痛。體疼。裏証悉具。未可攻表。宜先服此。以助陽救裏。次服桂枝湯以解表。此方陳氏誤將小便復利為不利。王氏因其不利之言。復改為或澁。又自疑其言之未穩。再有或利之說。以僥倖其中。然証之未

明。何以施治。使小便而果澁。豈姜附之藥所可療。不知少陰病。自有小便不利一証。乃用四逆散加茯苓治之。初非四逆湯也。著書立言。而不審若此。何以垂後世哉。

四逆散。治少陰病四逆。其人或咳。或悸。或小便不利。或腹中痛。或泄利下重者。

甘草

枳實

柴胡

芍藥

各一兩

右細末。米飲調下二錢。日三服。效者加五味子。乾姜各半兩。下利悸者。加桂半兩。小便不利者。加赤茯苓半兩。腹中痛者。加熟附肆錢。泄利下

下字據傷寒論活人登補

甘草下活人有參

黃云附子半枚炮裂



重先濃煎薤白湯內藥末三錢再煮一二沸溫服。

**溫膽湯**有二方俱載於三因一方見肝膽虛實寒熱門此方見虛煩門且云治大病後虛煩不得眠此膽寒故也兼治驚悸然既以膽寒欲溫之不應復用竹茹性寒之藥按本草竹茹微寒主噎膈嘔哕溫氣寒熱吐血崩中止肺痿鼻衄及五痔初未嘗治膽寒虛煩不得眠也先輩製方命名殊未可曉王氏推廣三因驚悸之說以為心驚膽懾氣鬱生涎涎與氣搏變生諸証此方既有茯苓以止驚悸又有枳實橘紅以理氣半夏以治痰當去竹茹加

炒熟酸棗仁一兩不然則局方妙香散極佳如虛煩而發熱者却用人參竹葉湯。

妙香散治男子婦人心氣不足志意不定驚悸恐怖悲憂慘感虛煩少睡喜怒不常夜多盜汗飲食無味頭目昏眩常服補益氣血安神鎮心。

白茯苓

茯苓去皮

薯蕷姜汁

遠志去心

黃耆各一兩

人參

桔梗

甘草炙各半兩

木香煨二錢半

辰砂三錢別研

麝香一錢別研

右細末每服二錢溫酒下。

人參竹葉湯治汗下後表裏虛煩不可攻者孫氏秘

局方有  
去皮三寸



吐活人作氣

寶名竹葉湯。活人書名竹葉石膏湯。治傷寒解後。虛羸少氣。嘔逆欲吐。此出三因方。三方分兩不同。

竹葉 二把

人參

甘草

炙。各半兩。

半夏

二兩。半洗。

麥門冬

去心。

石膏

各五兩。

右剉散。每服四大錢。水一盞半。生姜五片。粳米一撮。煎米熟去滓。食前服。

續易簡方論卷第一

續易簡方論卷第二

增損縮脾飲

大治脾胃虛弱傷暑者。此藥有草果病

砂。以守胃氣。烏梅甘草乾葛。以解暑渴。但浸令極冷。恐非年高虛怯人所宜。只搗羅為末。以熟水調服。最為穩當。王氏言若因飲食生冷過多。至霍亂吐瀉者。亦宜用此。未敢信然。夫因食生冷而致霍亂。正當溫其脾胃。不當復以乾葛性冷之藥與之。如藿香正氣散加白朮。極為切要。或盛暑中霍亂。却不可投以浸冷香薷散。人皆疑香薷散為冷藥。非也。按本草厚朴性溫。香薷性極冷。菡豆性微溫。况厚朴菡豆。俱以姜汁製之。此乃平劑。烏得為冷。

無不宗



可服之無疑。

藿香正氣散。治傷寒陰証。憎寒惡風。正氣遂冷。胸膈噎塞。脇肋膨脹。心下堅痞。吐利嘔逆。怠惰嗜卧。不思飲食。

半夏麩

厚朴製各三兩

藿香葉

陳皮各一兩

甘草炙七錢

右剉散。每服四錢。水一盞半。生姜七片。棗子一枚。煎至七分。去滓。食前溫服。霍亂吐瀉。加白朮三兩。

香薷散。治藏府冷熱不調。飲食不節。或食腥膾生冷過度。或起居不節。或露卧濕地。或當風取涼。而風

局方有白朮一兩。正氣散。逆下有酸水。逆地四字。

每方云。每服三錢。坐姜三片。棗一枚。水一盞。煎至七分。

**脾一作腸**

冷之氣。客於三焦。傳於脾胃。脾胃得冷。不能消化水穀。致令真邪相干。脾胃虛弱。因飲食變亂於腸胃之間。便致吐利。心腹疼痛。霍亂氣逆。有心痛而先吐者。有腹痛而先利者。有吐利俱發者。有發熱頭痛體疼。而復吐利虛煩者。或但吐利。心腹刺痛者。或轉筋拘急疼痛。或但嘔而無物出。或四肢逆冷。而脈欲絕。或煩悶昏塞。而欲死者。此藥悉能主之。

薑汁製。局方作散。炒。

香薷法梗。伍兩。

厚朴法皮。姜汁炙。黃。

白藕豆姜汁製。各

三兩半。

右剉散。每服三錢。水一盞。入酒一呷。同煎。至七



分去滓。水中沈冷。連進二服。立有神功。不拘時  
候。

**芎辛湯**。王氏卽此。與如聖餅子同治一切頭疼。然頭  
疼非一種。有風冷頭疼。痰厥頭疼。腎厥頭疼。積滯  
頭疼。氣虛頭疼。偏正頭疼。嗅毒頭疼。傷寒頭疼。膈  
痰風厥頭疼。更有夾腦風洗頭風。治之各有方。今  
欲以此藥兼治之。凡有風寒痰飲。則可。至若○腎  
厥頭疼。當服玉真圓。○積滯頭疼。當服備急圓。○  
氣虛頭疼。則乳附全蠍散。○嗅毒頭疼。則食炒黑  
豆。○傷寒頭疼。則連鬚葱白湯。葛根葱白湯。主之。  
不可以一律齊也。又欲以鍾乳粉代石膏。殊未可

曉。夫石膏性寒。能除時氣身熱頭痛。本經卽無墜  
痰飲之說。鍾乳性溫。主欬逆上氣。此物初非療頭  
疼之劑。二者所治。大不相侔。未審王氏何所見而  
及此。意其因蘇恭注五石脂云。五石脂中。又有石  
膏似骨如玉堅潤。服之勝鍾乳。便以鍾乳與石膏。  
性味主治相類。殊不知石膏之名雖同。其實則異。  
不可不為之辨。諸方言腎厥頭疼。皆未詳。而巢氏  
病源亦無此證。獨王子亨云。若頭痛筋攣。骨重少  
氣。噦噫欬嗽。煩寃腹滿。時驚不嗜卧。其脈舉之則  
弦。按之石堅。由腎氣不足。而內著。其氣逆而上行。  
名為腎厥。令服玉真圓。此言雖本於雷公黃帝之

王昶字子京  
宣和中人著  
指迷方

言醫方引  
作語



因下落察有方字

宋藝文志張松源方五卷

問答當時初不明言夫頭痛之證。至陳氏作三因。乃於此方易半夏以南星。謂之天南星圓。云治腎厥頭疼不可忍者。亦未嘗言腎厥之狀。張茂之作究原方。復於天南星圓云。治厥逆頭痛及齒痛骨寒。因腎虛犯寒所致。並無筋攣骨重等證。及觀子亨再出白附子散一證云。治頭痛連齒時發時止。連年不已。此由風寒留於骨髓。髓者腦為主。腦逆故令頭痛。而齒亦痛。此正內經之奇病。即張氏天南星圓所主之意。由是而論。則知腎主骨。而齒者骨之餘。腎經虛而感寒。陰氣上逆。貫肝入肺。而至於腦。與陽氣相搏。故頭痛齒亦從而痛也。如此說

方分曉

玉真圓治腎厥頭疼

石膏

火煨通赤

半夏

湯洗七次

硫黃

研各一兩

消石

一分

右為末。生姜汁煮。糊丸。如桐子大。姜湯下三十丸。

天南星圓治腎厥頭疼不可忍

硫黃

石膏

天南星

炮

焰消各等分

右為末。糊圓如梧子大。每服三十圓。空心食前溫酒下。

本草方婦人良方治生方硫黃二兩

良方消后二分消生方作一兩

硫黃下。澹有研字。后膏下有



白附子散治腦逆頭痛齒亦痛。

麻黃節不去

天南星炮

烏頭炮去皮各半兩

白附子炮一兩

朱砂研

麝香研

乾姜炮各三分

蝎炒五箇

右為細末酒調半錢服訖去枕卧少時。

備急圓治積滯頭痛。

大黃

乾姜

巴豆去皮心出油

右等分為細末煉蜜丸如豌豆大米飲下一丸。

羸人服半丸菜豆大以便利為度。

乳附全蠍散治氣虛頭疼。

大附子一箇

全蠍貳箇

鍾乳壹分

本事方無方名嚴氏濟生純方名蝎附口又引落察與此同乳下統方有

上研下良方有一分下研下有一錢一無各字三分一作二分得效同蝎上得效有全字炒上有去毒二字半錢良方作一字帶得效作聚

右將附子剝去心入全蠍在內以所剝附子末。

同鍾乳并麩少許水和裏炮熟以焦黃為度都。

碾為末葱茶調下一錢或半錢。

連鬚葱白湯治傷寒已發汗或未發汗頭疼如破。

生姜貳兩

連鬚葱白小切半斤

右以水二升煮減半去滓分三服服此湯不差。

者服後湯。

葛根葱白湯治頭疼不止。

葛根

白芍藥

知母各半兩

川芎

生姜各壹兩

葱白一把

右剉散以水三升煎取一升半去滓每服一湯。

下若人作字

三上若人有



酸棗

滲濕湯 王氏雖本於三因以之治濕不若七味除濕湯用藥之善而百一選方加白朮附子白茯苓者亦不逮焉夫去濕以朮為主古方及本經止言朮未嘗有蒼白之分自陶隱居言朮有兩種後人以白者難得故貴而用之殊不知白朮肉厚而味甘甘入脾能緩而養氣凡養氣調中則相宜耳蒼朮肉薄而味辛烈辛烈走氣而發外凡於治風去濕則相宜耳以此觀之則白朮治濕不如蒼朮明矣滲濕湯既用蒼朮復用白朮功力不專百一選方乃用白朮不用蒼朮主治不切况七味除濕湯用

藿香厚朴最為有理然雖不及姜附之烈而建脾暖胃使中州之土燥則濕氣不戰而自屈古人云治濕不利小便非其治也利小便者在茯苓諸方多用白者豈知白者性補而赤者性利也可易白者以赤者為良

七味除濕湯治寒濕所傷身重體痛膝開汗出大便溏泄小便或澁或利腰脚酸疼腿膝浮腫及冒寒嘔逆悉主之

半夏麴

川朴 姜製

蒼朮 各二兩

藿香葉

陳橘皮

茯苓 各一兩

甘草

炙 各四錢

白朮 各一兩 姜汁炙 茯苓 各一兩

類聚引蒼朮  
麴下有妙字  
川作厚朮下  
有米泔製  
葉下有去土  
皮下有去白  
茯苓下有赤字  
苓下有去皮



喘易簡作氣  
急下有更有  
二字  
真一作直

右剉散每服四錢水一盞半生姜七片棗一枚  
同煎至七分去滓食前溫服茯苓用赤者

**降氣湯** 王氏云專治脚氣上攻中滿喘急下元虛冷  
然此方力輕不如局方真俞山人降氣湯為效速  
也彼方加五加皮可以治兩脚弱痛風濕虛痺加  
附子可以治風寒濕氣腰脚冷痛加乾姜可以治  
胸滿上氣逐風濕痺加羌活療風利五藏加桔梗  
療奔促嗽逆加黃芪療虛喘客熱加人參止煩悶  
喘急雖然附子當用生者較之前方其功力豈不  
數倍哉况脚氣變證甚多難以枚舉如入腹衝心  
最為危急不如木瓜柴葛湯之妙

或一作著下  
同

俞山人降氣湯治虛陽上攻氣不升降上盛下虛膈  
壅痰實喘滿咽乾不利煩渴引飲頭目眩昏腰脚  
無力四肢倦怠咳嗽兼治風濕脚氣

子下局方有  
微炒二字

紫蘘子

前胡

厚朴姜汁製炒

甘草炙

橘紅

當歸

半夏麩

桂心

五加皮姜汁塗炙

黃芪各一兩

人參

附子炮

桔梗

羌活

乾姜炮各半兩

右剉散每服三錢水一盞半入紫蘘三葉生姜  
二片棗一枚同煎至七分去滓食後服之如脚  
氣則食前服

麩下局有炙  
字心下有炙  
見次三字  
或下有去世  
二字  
梗下有炒字



楊氏名其藥  
黃湯千金名  
柴黃湯柴黃  
六升三因方  
各等分酒糊  
丸酒飲下名  
柴黃口

聖惠無方名  
治脚氣衝心  
同風廣濟方  
治脚氣心同  
服方更有  
竹葉

木瓜柴黃湯專治脚氣入腹困悶欲死腹脹喘急

木瓜大者二枚

吳茱萸五兩湯洗七次

右用水四椀煎至一椀去滓分兩服如人行十里久再進一服或汗或吐或瀉即瘥不拘時候

又方

木瓜乾大片者

檳榔各二兩

吳茱萸揀淨一兩

以水煮三兩沸取出日乾炒令熟

右剉散每服四錢水一觥半煎至七分去滓通口服食前

杏子湯王氏云治一切咳嗽夫嗽非一種有冷嗽邪嗽飲嗽燥嗽上氣嗽此五者皆由肺受風寒氣不

易簡虛勞咯  
血痰飲停積  
悉皆治療

宣通所致欲總治之則有局方五嗽圓如欲專治寒嗽則杏子湯亦可用○嗽久不已小青龍湯主之甚者當服白散子○或肺經蘊熱或脾經熱氣衝肺或氣盛之人厚衣作壅致肺系開風寒乘之而嗽者此名寒熱壅當服人參飲子嗽多則加桑白皮痰多則加半夏麴○又有肺虛客熱咳嗽氣急咽乾口燥渴欲飲冷者此名熱嗽宜與大阿膠圓已上諸證豈杏子湯所能盡治哉王氏又云虛勞咯血此藥亦可治夫虛勞咯血有數證大槩輕則咯血重則吐血○有久嗽肺痿而咯血者可服藕豆散○有中寒氣虛陰陽不相守血乃妄行者



局方原于外  
卷我備急華  
陀五嗽九  
錄深師方作  
燥

經所謂陽虛陰必走是也。咯血吐血。衄血便血。皆  
有此證。理中湯加官桂治之。人皆知此藥能理中  
脘。不知其有分利陰陽安定血脈之功也。○有虛  
熱而咯血者。當服黃耆散。○有勞心而咯血者。蓮  
心散主之。又豈杏子湯所能治哉。王氏輕於措辭。  
而不知其失。良可惜夫。

五嗽圓治五種咳嗽。一曰土氣嗽。二曰飲嗽。三曰鰥  
嗽。四曰冷嗽。五曰邪嗽。皆由肺受風寒。氣不宣通  
所致。無問久新輕重。以至食飲不下。語聲不出。坐  
卧不安。晝夜不止。面目浮腫。胸脇引痛。並宜服之。  
皂莢去皮子 乾姜炮 桂去龍皮  
各二兩

梧上局有知  
字

右為細末。煉蜜為丸。梧子大。每服五十九。食後  
溫酒米飲任下。

小青龍湯治因形寒飲冷。內傷肺經。咳嗽喘急。嘔吐  
涎沫。不得安卧。又治溢飲。身體疼重。及治傷寒表  
不解。心下有水氣。乾嘔發熱。欬嗽微喘。

細字下局方  
有去禁二字  
下有炮字  
桂枝下有去  
麤皮三字

麻黃去節 赤芍藥 細辛  
乾姜 甘草炒 桂枝各三兩

四局方作三  
八分作二

五味子二兩 半夏湯洗七次  
右剉散。每服四錢。水一盞半。煎至八分。去滓食  
後溫服。

三四方

白散子治久年咳嗽不愈者。



附子

一隻煨熟新水浸一時久去皮臍焙乾

右為末每服一錢白沙蜜二錢水一盞煎至七分通口服。

人參飲子治寒熱壅痰涎。

人參

桔梗

五味子

赤茯苓

白朮

枳殼麩炒

甘草

炙各半兩

右剉散每服四錢水一盞半姜五片煎七分去

小青滓空心食前溫服如嗽多加桑白皮一兩痰多加半夏麩一兩凡寒暑之交氣盛人衣厚作壅

忽痰盛微發熱此藥最宜若作寒冒發其汗攻

熱枳殼能踈肺壅故易作效。

野中其邪必成大病此方佳處乃在赤茯苓能導心

大阿膠圓治肺虛容熱咳嗽氣急胸中煩悸肢體倦

疼咽乾口燥渴欲飲冷多唾涎沫或有鮮血肌瘦

發熱減食嗜卧又治或因叫怒或即房勞肺胃致

傷吐血嘔血並宜服之。

阿膠炒

白茯苓

熟乾地黄

五味子

山藥

貝母炒

丹參

百部

栝子仁

杜仲

去麋皮剉炒

麥門冬

去心

茯苓

去木各半兩

人參

剉

防風

去蘆及枝

遠志

去心各一分

局方防風半兩

壅下百選有參字

百一有半夏壹兩

四百作三

百一云治寒壅若加杏仁不去皮共紫蘇各半兩



或脫白字或作空圖從木事方補

本事友半夏湯浸七次

右為末煉蜜和丸每一兩作二十四丸每服一丸水一中盞煎至六分和滓溫服少頻呷不拘時候

白菹豆散治久嗽咯血成肺痿多吐白涎胸膈滿悶不食

白菹豆

生姜各半兩

枇杷葉去毛

半夏

湯洗

人參

白朮各一兩

白茅根三分

大阿右剉散水三升煎至一升去滓下檳榔末一錢

和勻分四服不拘時候

理中湯治中寒氣虛咯血吐血

人參

白朮

乾姜炮各一兩

官桂

去麋皮

甘草

炙各半兩

右剉散每服四錢水一盞半煎八分去滓不以

時服如傷胃吐血只煮乾姜甘草湯飲之亦妙

黃耆散治心肺虛熱因嗽咯血成勞眼睛疼四肢倦

脚無力

黃耆

白芍藥

熟地黄

麥門冬

去心

桔梗

各半兩

甘草

一分

右剉散每服四錢水一盞半姜三片煎七分去

滓溫服日三

蓮心散治勞心咯血吐血

白蓮方

倦下本事有急字

甘艸下本事有急字



蓮子心 漆箇 糯米 一十粒

右為末酒調食後服

**理中湯**局方治療甚詳大抵以温中去寒濕為主如治霍亂須加藿香葉半夏麴可也本方四味各一兩西北之人所食甘淡而脾胃強壯有病宜依方製服東南之人所食鹹酸而脾胃脆弱甘草減作三錢婦人產後腹痛於本方增甘草作一兩半煉蜜為圓名四順理中圓亦治傷寒時氣裏寒外熱加五味子阿膠末等分名順味圓治寒邪作嘔甚妙老人吐瀉不止去甘草加白茯苓一兩名温中湯仍下來復丹此藥隨證加減所治甚衆故今人

千金產後

局方人參去片廿二兩

二局作三温酒作米飲

多用之王氏乃云一法治飲酒過多及啖炙博熱食發為鼻衄於本方加川芎一兩服之不知內有乾姜性大熱以熱投熱豈不謬哉

四順理中圓治新產氣血俱傷五藏暴虛肢體瘦弱少氣多汗纔產直至百晷常服蠲除餘疾

人參

乾姜 炮

白朮 各一兩

甘草 炙一兩半

右細末煉蜜為圓如桐子大每服二十圓空心温酒下

順味圓治寒邪作嘔

人參

乾姜

白朮



甘草

五味子

阿膠各等分

右為細末，煉蜜為圓，每一兩作八圓，每服一圓，細嚼米飲嚥下。

溫中湯治老人吐瀉不止。

棟參

白朮

白茯苓

乾姜炮各一兩

右為細末，每服二錢，鹽湯米飲調服，空心食前，蓋乾姜溫中，茯苓利水平三焦也。

建中湯治腹中切痛，然腹痛極多端，有冷痛、熱痛、積

痛、蟲痛、血刺、客忤，當隨證以治之。診其關尺脈弦遲，按之便痛，重按不甚痛者，為冷痛，可服良姜散。

散一作飲

切痛增損治療各不同

建中湯下承類有倍加白芍藥遠心兩如速志半兩

小建中湯。○如其脈微而瀉，腸鳴泄利而痛者，當於和氣飲中加炒吳茱萸，仍下桂香圓。○診其關尺脈數，緊發熱，小便赤而痛者，為熱痛，可服小柴胡湯，去黃芩加白芍藥。○如其脈洪而實，大便不通而痛甚者，當以大承氣湯下之而愈。○若中虛氣弱，飲食停積，重按愈痛而緊者，此為積痛，其脈必弦緊而滑，救急丹枳殼散主之。○或渴欲引飲，胸中痞塞，大便秘結，脈沈短而實者，宜服保安圓。○若往來行痛，腹中煩熱，口吐清水，脈緊實而滑者，蛔動也，宜服集効圓。○婦人心腹疼痛，脈沈而結者，此血刺也，牡丹圓良方斷弓弦散主之。○若



易同此茶  
桂枝湯用茶  
一茶同但減芍  
藥如官桂之  
數如官桂之  
桂枝湯用茶  
桂枝湯用茶

心腹卒然而痛其脈滑或長短小大不齊者此為  
客忤可服藪合香圓備急圓已上腹痛豈一藥所  
能療哉王氏又謂建中湯用藥與桂枝湯同但減  
芍藥如官桂之數如無汗不宜服不知仲景桂枝  
湯不用厚桂而用桂枝者蓋以桂枝薄而性緊有  
輕利便捷之義易於發散如厚桂則性緩重之以  
溫中止痛為上今建中湯合用厚桂而白芍藥倍  
之雖無汗服之無慮也

良薑散治停寒積冷心腹撮痛

高良姜

一斤用油熬熟旋下漆食  
赤色用麩皮搗去油細剉

甘草

炙  
各三兩

丁子

各三兩  
人參二兩

胡椒

草撥

右為細末每服二錢入鹽少許沸湯點服食前

和氣飲治腹痛腸鳴泄利

蒼朮

一兩  
四錢

桔梗

一兩  
二錢

枳殼

去穰  
炒

橘紅

各陸  
錢

白芍藥

白芷

川芎

當歸

赤茯苓

桂皮

去麁  
皮

半夏

湯洗  
七次

甘草

炙各  
三錢

厚朴

去麁  
皮製

乾姜

各四  
錢

吳茱萸

炒半  
兩

右剉散每服四錢水一盞半生姜三片煎至八  
分去滓食前通口服二滓併煎

桂香圓元名豈附圓治腸胃虛弱由受風冷水穀不

由高作

鮑氏續錄之二

廿四



化泄瀉注下腹痛腸鳴手足逆冷服諸藥不效者此藥主之

附子

炮去皮臍

白茯苓

肉豆蔻

炮各四兩

丁香

不見火

木香

不見火

肉桂

去麋皮不見火

乾姜

炒各二兩

右細末姜汁麩糊為丸如梧桐子大每服五十

圓至一百圓生姜湯吞下米飲亦得空心食前

大承氣湯治腹中滿痛大便不通

厚朴

去皮姜汁炙四兩

芒硝

二兩如無

枳實

三枚去穰炒

大黃

二兩錦紋者生用酒洗

右剉散每服五錢水二盞煎至一盞去滓入芒

硝再煎一二沸溫服以利為度未利再服

救生丹消酒食化滯氣宣利胸膈

丁香

肉桂

各一分

白姜

半兩燒存性

巴豆

十五粒去皮用油煎令黑色為度

大甘草

赤錢燒存性

右細末酒糊為丸如菉豆大每服七圓茶酒任

下

枳殼散治五種膈氣三焦痞塞胸膈滿悶背脊引疼

心膈膨脹脇肋刺痛食飲不下噎塞不通嘔吐痰

逆口苦吞酸羸瘦少力短氣煩悶常服順氣寬中

消痞癖積聚散驚憂患氣

本草方枳殼散方名膈氣散

局作炮



煎去枳殼 蓬莪朮 橘皮

益智仁 蓬莪朮 枳殼

肉桂 乾姜 厚朴

甘草 青皮 肉苳菴

木香 煨 各半兩

右細末每服二錢水一盞生姜三片棗一枚同煎至七分熱服鹽點亦得不拘時候

保安圓治酒食所傷積滯不化或渴欲引飲胸中痞塞大便秘結腹痛不可忍者

本草作五斤

塞大便秘結腹痛不可忍者

巴豆 半兩 去皮心後一兩 研細紙裹去油了入衆藥內同研

黃連 青皮 蓬莪朮

乾姜 炮 各一兩

右為末醋糊為圓如麻子大朱砂為衣每服七

圓食前熟水下霍亂吐瀉煨生姜湯下小兒三

圓心氣痛醋湯下白利乾姜湯下赤痢甘草湯下

下

集效圓治因藏府虛弱或多食甘肥致蛇蟲動作心

腹絞痛發則腫聚往來上下痛有休止腹中煩熱

口吐涎沫即是蛇咬宜服此藥若積年不愈服之

亦愈又治下部有蟲生痔痒痛

大黃 剉炒 一兩 鶴蝨 炒 蕪荑 炒

訶子 煨 去核 附子 炮 去皮 臍 乾姜 炮

剛局作作



木香

檳榔

各七錢半

右細末。蜜圓如梧子大。每服三十圓。食前橘皮亦湯下。婦人醋湯下。

牡丹圓。治婦人月病。血刺疼痛。及寒疝。心腹刺痛。休作無時。

川烏頭

炮。令焦黑。去皮尖。

牡丹皮

各四兩

桃仁

炒。去皮尖。

桂心

各五兩

桃仁下或行一兩二字據三四方當作別研

右末。棘蜜圓。梧子大。每服五十圓。醋湯下。寒疝溫酒下。

斷弓弦散。一名失笑散。治婦人血刺。心腹疼痛。及小腸氣痛。

五靈脂

蒲黃

各等分

右為末。每服二錢。先用醞醋一合。熬藥成膏。以水一小盞。煎至七分。熱服。

四君子湯。雖病後平補良劑。然味甜。頗不利於東南人。如用之。當損甘草可也。又未若十珍散之妙。彼方加黃耆。可以補虛損。止盜汗。加山藥。可以助五藏益氣力。加菡豆。可以治脾胃虛弱。困倦少力。不思飲食。加宿砂。可以溫脾胃。消宿食。加桔梗。可以補血氣。除寒熱。溫中消痰。加五味子。可以補不足。養五藏。益精氣。比之四君子湯。此為尤勝。若小兒病。以四君子湯。隨證增損用之。極驗。

蒲黃下三因有妙字

熱上三因有食前一字



十珍散治大病之後氣不復常乏力短氣神情不樂口舌無味

揀參 白朮 白茯苓

黃耆蜜炙 白蘊豆姜製 山藥各一兩

宿砂仁 桔梗 五味子

甘草炙各半兩

右細末每服三錢水一盞姜三片棗一枚煎至七分食前服

續易簡方論卷第二



